

百官箴六卷

〔宋〕許月卿撰

四庫全書本

欽定四庫全書
史部十二
職官類二
官箴之屬

提要

臣等謹百官箴六卷宋許月卿撰月卿字太
空後更字宋士婺源人始以軍功補校尉理
宗時換文資就舉以易魁江東廷對賜進士及
第官至浙江西運幹賈似道當國召試館職
語不合罷去閑門著書自號泉田子宋亡不
仕遁跡十年乃卒亦志節之士也是書仿揚
雄官箴分曹列職各申規戒考宋史百官志
經筵乃言路兼官二府掾乃樞密中書屬吏
參知政事以門下中書侍郎為之登聞院隸
諫議進奏院隸給事中俱轄於門下者軍器
監文思院俱轄於工部是書皆各自為箴蓋
以所掌之事區分故既列本職又及其兼官
既列總司又及其所分掌非複出也又考永

欽定四庫全書
百官箴

百官箴

樂大典所載宋何異中興百官題名雖殘闕

不完而所標官署職掌與此書頗有異同蓋

自元豐變制以後品目至為淆雜南渡以後

分析併省益以靡恒此書據一時之制言之

故互有出入也前有月卿進表稱百官箴併

發凡言例共七秩而今止六卷校以次第實

無遺漏殆原本凡例自為一卷傳錄者合併

之歟虞人之箴遠見左傳繩闕匡違其風自

欽定四庫全書

百官箴

二

欽定四庫全書

百官箴

原序

古月卿效法其體雖申職守僅託空言而具
列官邪風戒有位指陳善敗觸目警心亦未
嘗無百一之裨焉乾隆四十二年八月恭校

上

總纂官臣紀昀臣陸錫熊臣孫士

總校官臣陸費墀

百官箴原序

百官箴者有宋山屋許君太空之所著也太空嘗讀周

辛甲虞人之箴於是作箴四十有九篇蓋自左丞相以

下至太子太孫師友僚屬其諸司羣辟亦略具矣而於

丞相經筵諫官尤致丁寧焉蓋將上以為德下以為民

不啻倣百官已也初太空讀書崛嶇嘗受學於鶴山魏

了翁先生與謝枋得為友學有原本及廷對憂勤逸樂

之策則謂使人君逸樂者宰相竊權之具時相深憾之

欽定四庫全書

百官箴

三

欽定四庫全書

百官箴

原序

他日有徐元杰者攻史嵩之史陰殺元杰君率三學諸
生伏闕訟冤至論朝廷時政三事又忤賈相似道故雖
行如此其高也官終運幹而止然則百官之箴豈為已
哉傳曰國家之敗由官邪也官之失德寵賂章也夫上
有賈史專權以章寵賂而山屋雖欲行其志以作千官
箴其奈何嗟乎痛哉雖然賈史遺臭萬年而不足山屋
之箴傳至後世為龜鑑尤有餘也自今觀之許與賈史
當孰為得失哉始傳其書者門人李夢科從孫汝再傳

其書者六世孫淑英三傳其書者九世孫亮熙兄弟焉

夫山屋之子孫忠其道傳其書且欲敦其行至九世遠

益昌熾如此也彼賈史之子孫又安在哉即有存者又

不欲認之為祖與無者同此尚不可為為善惡者勸戒

哉嘉靖丁酉春正月庚子賜進士及第通議大夫南京

禮部侍郎前國子祭酒翰林修撰經筵講官兼修國史

萬陵呂柟書

欽定四庫全書

百官箴

欽定四庫全書

百官箴

百官箴表

宋許月卿撰

臣月卿言伏以飯不忘夙抱少陵之志六箴具列遠
懸德裕之動敢以愚衷徹于睿聽臣月卿惶恐惶恐頓
首頓首惟周武建萬邦之極有辛甲獻百官之箴安不
自安聖而益聖夏國愛吾君之念謂吾獨之全軀保妻
子之臣慮不及此故東西兩漢之朋捨楊崔數子而誰
欽定四庫全書

仰視虞箴僅堪僕命魏晉以降文章可知言雖尊主而
庇民意則徇華而逐末於修辭立忱之學類欠實工視
正君定國之言殆為虛語本源既淺氣象自卑并與古
韻而失之其於文體何如也作者馳聲之不乏胡為嗣
響之獨難正坐摹規為圓擬矩為方不知自源而流由
本而末宜世道之不古顧民彝之幸存臣瑣瑣孤寒惓
惓忠愛臣於君子於父難忘懇惻之天史為書瞽為詩
莫匪歲規之地念庶人之可諫矧英主之兼容轍爾芻

言庶幾芹獻茲蓋恭遇皇帝陛下舜聰四達湯德又新退而銘於机焉席而銘於端焉持以小心之翼翼立則見於前也與則見於衡也凜然大訓之明明未嘗一善之遺蓋欲庶僚之修輔恢洪聖德興起治功臣幸際

昌期冒陳宿蘊諫行言聽俾膏澤之下於民君明臣良惟時幾以康厥事可傳於後永孚於休臣干冒天威無任激切屏營之至臣所撰到百官箴并發凡言例共成

七帙用黃羅夾複封全謹隨表上進以聞臣月卿惶懼欽定四庫全書

百官箴
卷一

惶懼頓首頓首謹言

百官箴序

臣聞君者臣之天父者子之天故臣之愛君子之愛父天也其身可殺而愛君父之心不可解夫是之謂天天下之事凡其加以人者久則必渝而其久而莫之渝者天也憂葵之女不恤緯之嫠而豈有致君澤民之職分哉油然發衷蓋不自知其然而也唐虞三代之時漸民以仁培民以道其入於民也深而積於民也厚矣故

及其後世國雖靡止民雖靡撫而愛君憂國之天雖山林之野人幽閭之女婦有可殺而不可解者吁此三代有道之長而非後世之所能及與然則有天下者何可不養斯民愛君之天而壽吾國於三代也哉臣最愛辛甲之虞箴愛其天而不人也而惜其所謂百官箴者之不盡存也故嘗以臣之油然發衷者為百官箴雖自知其為怨府為禍機而可殺不可解之天則凡以愛吾君爾夫愛吾君則欲壽吾君欲壽吾君者則欲壽吾君之國

欽定四庫全書

百官箴
卷一

無逸一書周公所以壽成王也壽不壽命也於逸何闢

而周公謂逸則不壽無逸則壽豈不以無逸則天理流行人欲淨盡固仁之體而壽之道乎臣所以敢

用二
字
百

官箴者不敢以不可自比周公而自沮而以可庶幾憂葵之女不恤緯之嫠而自勸以為陛下幸而不以不可自況周公斥臣而以可萬一葵緯而聽臣臣之箴幸而用則聖躬壽於堯舜國脈壽於三代聖躬壽於堯舜則閱天下之義理愈熟處天下之事會愈精而人欲不能

搖情偽不能敗以霜降水涸之真見出輕車熟路之老謀躋吾民於仁壽壽吾國於箕翼國脈之壽皆自聖躬始此臣愛君之天也使眾怨臣而欲禍臣不過殺臣之身而已豈能滅臣愛君之天哉臣之自處素定是以敢於進百官箴而無所忌也夫子不云乎求仁而得仁又何怨臣萬死無悔臣月卿謹序

百官箴次第

或問臣曰子之百官箴亦有叙乎臣應之曰有二府之欽定四庫全書
卷一
百官箴
四
於陛下猶股肱之於元首也故莫先焉師臣者帝經筵陛下所宜師也賓臣者王翰苑陛下所宜賓也其尊德樂道不如是不足與有為也故次之經筵翰苑畫則密侍宵則宿直於喜怒哀樂之未發而養之於是非利害之未萌而正之則力少而功倍若諫官則正之於將萌力漸勞矣子思曰喜怒哀樂之未發謂之中其經筵翰苑之責乎發而皆中節謂之和其諫官之責乎周敦頤曰誠無為其經筵翰苑之責乎幾善惡其諫官之責乎

邵雍曰思慮未起鬼神莫知不由乎我更由乎誰又曰先天學心法也其經筵翰苑之責乎思慮一萌鬼神得知之美故君子不可不慎獨又曰後天學入用之位也其諫官之責乎朱熹曰存天理之本然其經筵翰苑之責乎察人欲於將萌其諫官之責乎故次之諫官正之於將萌後省正之於未行御史正之於已行史臣書之於已行已行而未當猶可直前而正之也正之而不從則有書於策者不可懼哉日見二史立於螭坳亦進欽定四庫全書
卷一
百官箴
五
德之一助也故次之祖宗嚴二省之制中書造命門下審覆尚書奉行尚書有令有僕射有丞今亡矣則尚書六部尚存三省之制所謂愛禮存羊也故次之宰士樞屬者二府之掾也故次之三省太常宗正禮部之別也大理刑部之別也司農太府戶部之別也秘書國子監亦禮部之別也將作軍器監工部之別也故次之登聞院諫臣之屬也進奏院門下後省之屬也官告院吏部之屬也料糧審計太府之屬也榷貨務都茶場宰士之

屬也左藏庫雜買務雜賣場亦大府之屬也文思院工部之屬也故次之是皆有列於朝者也故前宰輔侍從次之前庶官不載焉祖宗尊賢之等也凡二府箴例稱司化治天下之道不可徒政而已也立之斯立道之斯行綏之斯來動之斯和在吾君吾輔相勉而已自尚書工部而上例稱侍臣朝夕論思日月獻納豈直簿書期會哉經筵翰苑臺諫給舍諸史例曹其職固不同而其為侍臣則同觀臣之箴見所職之異則當思盡其分之欽定四庫全書

百官箴

六

百官箴

七

殊見侍臣二字之同則當思盡其理之一論思獻納期無忝侍臣二字可也詎宜曰朝廷大事有宰輔在吾可以辭其責乎詎宜以天子侍臣而朋比媢阿知有宰輔私恩而以侍臣為何官哉由內而外承流宣化知臨安府莫先焉諸夏之本也不曰知臨安府而曰京兆尹者望陛下修政攘夷復文武之境土也天下形勝京兆得之今固未易言也非陛下莫可告者耳臣有成筭容臣別奏畿漕次之留守又次之督府不常建與宣撫宣諭

招討招捕招撫察訪等使皆無箴焉可也陛下即位三十年間三授督銕故次之制置安撫經畧次之守臣位監司下今以先焉以其有民有社有祀有戎有師之教有父之尊有母之親非使者比也使者急其賦不恤州縣不知使事有指職思其憂州縣奉承使者不恤其民知有使者不知有天子命觀臣箴之先後可以知所勉矣夫內有百揆四岳外有州牧侯伯自唐虞而已然矣先內後外聖人施行之序也詳內畧外聖人責治之等欽定四庫全書

百官箴

七

也不重內而輕外聖人一視之仁也重內而輕外士大夫謀身之私也故臣之箴居太子太孫官屬於百官之末見內外無輕重之別也詩不云乎詒厥孫謀以燕翼子書不云乎旁求俊彥啟迪後人傳不云乎豐水有芑數世之仁此臣作太子太孫官屬於百官之意也陛下其亦深長思哉祖宗時三省相維事無遺策而從官可以直前庶僚可以轉對外而監司守籠下而一命之微又下而士之未命與夫父老芻蕘皆臺諫也民隱安得不上

達憮邪安得不暴白主德安得不光明天下安得不熙洽哉此前代之臣不敢以望其君而臣敢以望陛下也此百官箴所以為陛下獻也陛下其亦深長思哉陛下不世出時不可再得陛下其亦深長思哉或問臣曰辛甲為百官箴而子之箴不滿百何也臣應之曰唐虞官百夏商官倍則辛甲之時周禮雖未成書官亦不翅百矣曰百官者舉其凡也說命曰后王君公大夫師長洪範曰王省惟歲卿士惟月師尹惟日禮記曰五官之長一也

欽定四庫全書

卷一

八

百官箴

曰伯古今說卿士者皆不如韋昭昭之言曰卿士卿之有士者臣以商頌允也天子降於卿士推之知其言是師長即師尹也師衆也即虞書所謂庶尹也且以吏部言之尚書侍郎即中雖有崇廟而所掌同此吏部也吏部尚書非吏部之長之尹之伯乎一箴可以該其屬矣或問臣曰然則子之箴四十有九亦有義乎臣應之曰有太史公曰著百莖共一根褚先生曰傳曰天下和平

王道得而著並長丈其叢生滿百莖大衍之數五十其用四十有九臣之箴名百官箴陽用其全君之道也天包地外也日全體光明也臣之箴四十有九陰用其半也臣之道也地在天中也月三五而缺也觀臣之箴君臣可以各盡其道矣大衍之數五十其用四十有九虛一者太極也中庸曰所以行之者一也四十九箴非此一執行之一者何真實無妄也所謂誠也所謂太極也所謂道心也臣首箴所謂敬修可願者也不如是則不誠無物無以治身無以治天下國家矣陛下其亦深長思哉漢之人退而相與語其君亦曰陛下無背面也退食猶在公也吠噓猶朝著也君不可離猶天不可離也無往而不對揚猶無往而不對越也臣之答客問言必稱陛下如對陛下而言也故敢書以聞

欽定四庫全書

卷一

九

百官箴

欽定四庫全書

百官箴卷二

宋 許月卿 撰

百官箴緣起

春秋左氏傳曰昔周辛甲之為太史也命百官官箴王

闢杜氏解辛甲於虞人之闢曰虞人掌

州之民有寢廟獸有

為九州芒芒遠貌經啟九道

閭故九

茂草各有攸處德用不擾

人神各有所歸故德不亂

茂草各有攸處德用不擾

臣按杜氏以寢為人居廟

為神居故言人神各有所歸今觀寢廟對茂草而言

與詩堯寢廟對秩秩大猷而言恐寢廟不是兩事

欽定四庫全書

卷二

百官箴

廟雅室有東西廟曰廟無東西廟有室曰寢未嘗以

寢為人居廟為神居也故詩公侯之宮說者曰宮廟

也宗室膳下說者曰宗室大宗之廟也觀爾雅則知

人居可以廟言觀詩則知神居亦可以宮室言虞箴

本意謂禹未治水人獸固擾禹既治水九州以寧人

則有寢處之廟而獸則有茂盛之草獸不擾人而人

何必擾獸主意在戒撫也古者民與人通廟與宮通

此類甚衆又據易入于其宮詩上入執宮與宮通

諸其宮中而因之開闢亦猶宮非若居而後為宮必神靈之居而後為廟也今人言廟朝

廟

廟謨廟筭宜亦神靈之居乎就使如杜氏之說

獸不擾耳大凡讀書當尋語脈且如上言民有寢在

廟而下言在帝夷羿又宜可以此民字為百姓乎在

帝夷羿冒於原獸也

忘其國恤而思鹿牡言但武

臣按猶以好武雖有夏

家而不能恢大之

不可重重猶教也用不恢於夏家以好武雖有夏

家而不能恢大之

呂祖謙曰蓋因舜代夏政其

號不改故亦止曰夏家也

獸臣忠原敢告僕夫臣

不敢斥尊夫

虞人告僕夫

不敢斥尊夫

臣按武王不世出之主也訪洪範於箕子問丹書於

太公惕若恐懼退為戒書机席鑑盤楹杖帶屨觴豆

戶牖弓劍矛戟無往而不銘則亦無往而不敬其視

湯之日新又新文王之亦臨亦保同此傳心之要也

觀其為太子一鮑魚之嗜若未害也而太公禁之及

觀其為天子一旅斃之貢若未害也而召公戒之辛甲

於是為百官箴以獻蓋百官修輔執事以諫三代以

前之所同如伊尹所謂臣下不匡其刑墨是也古者

導人使諫其不諫者有刑後世導人勿諫其諫者有

刑此聖愚之所以異治亂之所以分乎辛甲虞箴以

夷羿戒武王與禹之戒舜曰無若丹朱傲同一意也

武王之自警如此羣臣之交警如此是其所以聖益

聖與惜百官箴之不盡傳也

欽定四庫全書

卷二

百官箴

二

其為天子一旅斃之貢若未害也而召公戒之辛甲

於是為百官箴以獻蓋百官修輔執事以諫三代以

前之所同如伊尹所謂臣下不匡其刑墨是也古者

導人使諫其不諫者有刑後世導人勿諫其諫者有

刑此聖愚之所以異治亂之所以分乎辛甲虞箴以

夷羿戒武王與禹之戒舜曰無若丹朱傲同一意也

武王之自警如此羣臣之交警如此是其所以聖益

聖與惜百官箴之不盡傳也

漢書揚雄傳箴莫善於虞箴作州箴

後漢書胡廣傳初揚雄依虞箴作十二州二十五官箴

其九箴亡闕後涿郡崔四及其子瑗又臨邑侯劉駒

駿增補十六篇廣復繼作四篇文甚典雅乃悉撰次

首自為之解釋名百官箴凡四十八篇臣按瑗子實作諫大夫箴

蓋又在四十
八篇之外也

百官箴指歸

書先王克謹天戒臣人克有常憲百官修輔厥后惟明

欽定四庫全書

百官箴

卷二

明每歲孟春道人以木鐸徇於路官師相規工執藝事以諫其或不恭邦有常刑

春秋左氏傳天生民而立之君使司牧之勿使失性有

公而為之貳使師保之勿使過度是故天子有公諸

侯有卿卿置側室大夫有貳宗士有朋友庶人工商

皂隸牧圉皆有親暱以相輔佐也善則賞之過則匡

之患則救之失則革之自王以下各有父兄子弟以

補察其政史為書瞽為詩工誦箴諫大夫規諫士傳

言庶人謗商旅議於市百工獻藝故夏書曰道人以

木鐸徇於路官師相規工執藝事以諫正月孟春於

是乎有之諫失常也天之愛民甚矣豈其使一人肆

於民上以從其淫而棄天地之性必不然矣

國語邵公曰天子聽政使公卿至於列士獻詩瞽獻曲

史獻書師箴瞍賦謡誦百工諫庶人傳語近臣盡規

親戚補察瞽史教誨者艾修之而後王斟酌焉是以

事行而不悖

欽定四庫全書

百官箴

卷二

又楚左史倚相曰昔衛武公年九十有五矣猶箴儆於

國曰自卿以下至於師長士苟在朝者無謂我老耄

而舍我必恭恪於朝朝夕以交戒我聞一二之言必

誦志而納之以訓導我在輿有旅貢之規位寧有官

師之典倚凡有誦訓之諫居寢有瞽御之箴臨事有

瞽史之導宴居有師工之誦史不失書職不失誦以

訓御之於是作懿戒以自儆也及其沒也謂之睿聖

武公臣謂武公諸侯也薨也猶若是其所

以聖也况天子乎況富於春秋乎

賈誼曰及太子既冠成人免於保傅之嚴則有記過之史微膳之宰進膳之旌誹謗之木敢諫之敲瞽史誦詩工誦箴諫大夫進謀士傳民語習與智長故切而不婉化與心成故中道若性

賈山至言曰古者聖王之制史在前書過失工誦箴諫瞽誦詩諫公卿比諫士傳言諫過庶人誹於道商旅議於市然後若得聞其過失也聞其過失而改之見義而從之所以永有天下也

欽定四庫全書

百官箴

五

淮南鴻烈解曰古者天子聽朝公卿正諫博士誦詩瞽箴師誦庶人傳語史書其過宰微其膳猶以為未足也故堯置敢諫之鼓舜立誹謗之木湯有司直之人武王立戒慎之輶過若毫釐而既已備之也夫聖人之於善也無小而不舉其於過也無微而不改堯舜禹湯武王皆坦然天下而南面焉

大戴禮記及太子既冠成人免於保傅之嚴則有司過之史有微膳之宰太子有過史必書之史之義不得

不書過不書過則死過書而宰微去膳夫膳宰之義不得不微膳不微膳則死於是又有進膳之旌有誹謗之木有敢諫之鼓瞽史誦詩工誦正諫士傳民語習與智長故切而不婉化與心成故中道若性又曰食以禮微以樂失度則史書之工誦之三公進而讀之宰夫減其膳是天子不得為非也臣竊意此等語必以諸書所載不謀而同也漢去三代未遠是以有此今安得有之故撫卷三歎而已

欽定四庫全書

百官箴

六

侯包曰衛武公行年九十有五猶使人日誦抑戒之詩而不離於其側

朱熹叙楚辭後語曰若其義則首篇所著荀卿子之言指意深切詞調鏗鏘君人者誠能使人朝夕諷誦不離於其側如衛武公之抑戒則所以入耳而著心者豈但廣廈細旃明師勸誦之益而已哉此固余之所為眷眷而不忘者

又叙成相第一曰成相者荀卿子之所作也在漢志號

成相雜辭凡三章雜陳古今治亂興亡之效託聲詩

以風其君若將以為工師之誦旅賁之規者其尊主

愛民之意亦深切矣

文中子誠其至矣乎古之明王敬慎所未見悚懼所未
聞刻於盤盂勒於几杖居有常念動無過事其誠之
功乎

百官箴用韻

虞歲家字與夫字叶

欽定四庫全書

百官箴

七

詩予手拮据予所捋荼予所蓄租于口卒瘞曰予未有
室家又宜爾室家樂爾妻帑是究是圖亶具然乎又
靡室靡家獵狁之故不遑啟居獵狁之故又我行其
野蔽芾其樗婚姻之故言就爾居爾不我蓄復我邦
家又謂爾遷于王都曰予未有室家又乃召司空乃
召司徒俾立室家又皇皇者華此亦問句用韻之法于彼原隰
駢駢征夫每懷靡及又七月食瓜八月斲壺九月叔
苴采荼新擣食我農夫

離騷羿淫遊以佚畋兮又好射夫封狐固亂流其鮮終

兮浞又貪夫厥家浞食角反○臣先以詩騷主疏

易枯楊生稊老夫得其女妻枯楊生花老婦得其士夫
書汝弗能使有好于而家時人斯其辜

春秋左氏傳歸妹睽孤寇張之弧姪從其姑六年其逋
逃歸其國而棄其家明年其死於高梁之虛又登此
昆吾之虛綿綿生之爪余為渾良夫叫天無辜

老子修之於身其德乃真修之於家其德有餘修之於

欽定四庫全書

百官箴

八

鄉其德乃長

莊子然其語而不舍非愚則誑也帝王殊禪三代殊繼
差其時逆其俗者謂之篡夫當其時順其俗者謂之
義徒默默乎河伯惡知貴賤之門小大之家又故三
歲徙都于鄧之墟而十有萬家

荀子省工費衆農夫禁盜賊除姦邪又上以節賢良而
明貴賤下以飭長幼而明親疎上在王公之朝下在
百姓之家

戰國策長頰歸來乎食無魚長頰歸來乎出無車長頰歸來乎無以為家

史記所載亦同但頰作鉗車作輿

又泉州令乃使吏案籍視圖水上漁者五十五家上流淮南鴻烈解夫待驥裹飛兔而駕之則世莫來車待西施毛嫱而為配則終身不家矣

東方朔答客難連四海之外為帶安於覆盂天下平均

欽定四庫全書

百官箴

九

合為一家

列女傳獨泣始怒送厥母家答子逢禍復歸養姑

揚雄徐州牧箴祚降周任姜雖乎琅琊姜姓絕苗田氏

攸都事由細微不慮不圖禍如丘山本在萌芽牧臣

司牧敢告僕夫

太玄經夫牽于車妻為剝荼利于王姑不利公家老夫

搖車少女提壺利考家

班彪北征賦惟太宗之蕩蕩兮宣襄秦之所圖野蒲條

以奔蕩兮迴千里而無家

班固十八侯銘入軍討敵頃定天都佩雀雙印百里為家

漢書鵠夷滑稽腹如大壺盡日盛酒人復借酤常為國器託於屬車出入兩宮經營父家繇是言之酒何過乎

又爰及溝渠利我國家

後漢書曹世叔妻和帝數召入宮令皇后諸貴人師事

欽定四庫全書

百官箴

十

焉號曰大家

音姑

晉書魏鼓吹曲嗟城中如流魚誰能復顧室家

蔡寬夫詩話秦漢以前字書未備既多假借而音無反切平仄皆通用如慶雲卿雲皋陶咎繇之類大率如此

此詩瞻彼日月悠悠我思道之云遠曷云能來燕燕于飛下上其音之子于歸遠送于南皆以為協聲魏

晉間此體猶在劉越石握中有白璧本自荆山璆惟

彼太公望共此渭濱叟潘安仁位同單父邑愧無子

曉歌豈敢陋微官但恐奉所荷是自齊梁後既拘以四聲又限以音韻故大率以偶儼聲病為工文氣安得不卑弱乎惟陶淵明韓退之時時擺脫俗拘忌故栖字與乖字陽字與清字皆取其傍韻用蓋筆力足以勝之也

臣月卿曰韻本於聲聲本於氣氣本於理自太極之動靜而有陰陽自陰陽之間而有人物得其偏且塞

者為物得其正且通者為人人得陰陽之氣正而且

欽定四庫全書

百言成
卷二

通故有自然之聲韻有自然之律呂初非勉強矯拂而為之也勉強矯拂則非自然之韻非自然之韻則非自然之聲非自然之聲則非自然之氣非自然之氣則非自然之理自謝莊沈約周顥以浮聲効響創為聲律之制而古韻亡矣古韻雖亡而其在人聲者不可泯也生於後世而欲求古人之音韻者不於自然之人聲求之將於何而求之故人聲之自然非勉強非矯拂而有自然之節制有自然之疆域秩乎其

不可亂確乎其不可移此人聲之天也人聲之天即人心之天也自然即天天即理韻書可泯此不可泯故臣得據以為驗稽以為決也人之讀古書者見用韻之不今也意其無所限制肆口而言之也豈知其自然者凜有限制若寬而實嚴已哉以虞箴家夫之韻言之非臆說也驗之而無不合也真可以見古人於千載之上真可以俟聖人於百世之下也

欽定四庫全書

百言成
卷二

詩有女同車顏如舜華將翱將翔佩玉瓊琚彼美孟姜洵美且都山有扶蕪隰有荷華不見子都乃見狂且狼疐其尾載跋其胡公孫碩膚德音不瑕彼爾維何維常之華彼路斯何君子之車昔我往矣黍稷方華今我來思雨雪載塗王事多艱不遑啟居豈不懷歸畏此簡書祈父予王之爪牙胡轉予于恤靡所止居中田有廬疆場有瓜是剥是菹有駟有驛有魚以車祛祛思無邪思馬斯徂楚辭食六氣而飲沆瀣兮漱正陽而含朝霞保神明之

清澄兮精氣入而羸穢除

春秋左氏傳既定爾妻豬盍歸吾父假

管子外之有徒禍乃始芽衆之所忿置不能圖

苟子臯陶之狀色如削爪闊犬之狀面無見膚

淮南鴻烈解審用法誅必辜備盜賊禁奸邪

史記神龜知吉凶而骨直空枯日為德而君於天下辱

於三足之烏月為刑而相佐見食於蝦蟆辱於雀

螣蛇之神而始於即且

欽定四庫全書

卷二

三

欽定四庫全書

卷二

三

欽定四庫全書

卷二

三

三

欽定四庫全書

卷二

三

三

三

漢書玄氣之清回復此都蔓曼日茂芝成靈華後漢書

溢兮吾將折衷虛重華

仕宦當作執金吾娶妻當得陰麗華

韓愈毛頴傳今日之獲不自不牙衣褐之徒缺口而長

鬚八竅而趺居獨取其毫簡牘是資天下其同書

欽定四庫全書

卷二

三

三

三

揚雄豫州牧箴陪臣軌命不慮不圖王室陵遲喪其爪

釣刈芻

少府箴嗜不可不察欲不可不圖未失之於約嘗失之

于奢

劇秦美新權興天地未祛睢睢盱盱或玄而萌或黃而

牙玄黃剖判上下相噏

龍在天利見大人而膠漆自謂堅不如雷與陳至後

三

漢猶然也書之聖謨洋洋嘉言孔彰惟上帝不常作

三

善降之百祥作不善降之百殃爾惟德罔小萬邦惟

三

慶爾惟不德罔大墮厥宗而天下無雙江夏黃童殿

三

中無雙包孝公荀氏八龍慈明無雙辭親向長路安

知存與亡窮達固有分志士思立功五馬浮渡江一

馬化為龍沈陰結愁憂愁憂為誰興念與君生別各

在天一方良會未有期中心摧且傷不聊憂食食慊

慊常飢空端坐論無為鬚鬚君容光停雲鶴露時雨

濛濛八表同昏平陸成江世爵虛禮州壤推風尋惟

義養道必懷邦人之秉彝不臨不恭我友二三子宦

遊在西京東野窺禹穴李翬觀滻江蕭條千萬里會

欽定四庫全書

百官箴

卷二

欽定四庫全書

百官箴

卷二

合安可逢至漢魏吳晉宋唐猶然也書之夔夔齊慄
贊贊亦允若責若草木兆民允殖而牢邪石邪五鹿
客邪印何累累綴若若耶歲惟丁卯律中無射天寒
夜長風氣肅索前尹赫赫具瞻允若至漢晉唐猶然
也大戴禮之無養乳虎將傷天下小戴記之春秋冬
夏風雨霜露而章子角馬不今不古撾武師新黃祖
捕夷凶族革平西夏至漢吳猶然也左氏傳之于恩
于恩棄甲復來而無說誇匡鼎來匡說詩解人頤顯

高門啟皇基統罔極垂將來情欣新知歡言詠遂賦
詩感子深母惠愧我非韓才銜戢知何謝冥報以相
詒既定淮蔡四鬼畢來遂開明堂坐以治之阿婆三
五少年時也曾東塗西抹來至漢吳晉唐猶然也謂
非人聲之自然可乎是故有四聲通用之法不必改
仄聲以為平聲而後與上下句叶也有陽句用韻之
法不必曰應句有韻而呼句無韻也皆自然而然非
有安排也後之為學者固未足與議老師宿儒則知
欽定四庫全書

之矣而未知其所以然也故不能極本窮源以出之
終無以解天下後世之惑臣竊悼焉嗟乎天下事類
此者多矣豈特韻哉悲夫臣特錄摹寃夫之言以其
有得有失非彼無以明此也寬夫蓋猶未能如老師
宿儒之知故其言一出焉一入焉曰皆以為協聲曰
皆取其傍韻用蓋筆力足以勝之此可見其知之
未真也寬夫曰某與某叶者驗之而無不合故曰秩
乎其不可亂確乎其不可移請嘗試之有不合者坐

臣以罔上之罪今曰以為協聲似謂出於詩人之臆

見而不知其出於自然也苟曰以為協聲則詩人之

用此數韻也何為捨此數韻之外畧不肯他有所取

乎寃夫蓋未知而想像言之耳因寃夫所舉姑以莫

之知者觀之思過半矣瞻彼日月悠悠我思道之云

遠曷云能來日之夕矣牛羊下來君子于役如之何

勿思之類是也燕燕于飛此亦鵲句用韻之法下上其音之子

于歸遠送于南即鼓鐘欽鼓瑟鼓琴笙磬同音以

欽定四庫全書

百官箴

七

雅以南以籥不僭此亦四聲通用之法之類是也何嘗亂以他

韻移以他韻哉具曰傍韻蓋唐韻十二齊與十三佳

相隣十一唐與十二庚相隣故寃夫云爾不知此乃

唐韻耳淵明之時安得有此書乎五支與十八尤十

七真與一先豈亦傍韻乎故臣得此以見其不知也

陶韓筆力雖足以勝之然其用韻乃驗之人聲驗之

古書非不知而作之者寃夫以為取之傍韻何其謬

哉聖門之學物貴於格知貴於致故臣不敢苟惟陛下

下裁擇

百官箴諱例

胡安國紹興六年劄子臣昨列職經選專以春秋進讀緣春秋正文有淵聖御名方具奏闕未及進稟得罪去

國後聞禮官建議以他字易之定讀為式具經傳本字則不改易事已施行臣今奉旨纂修於經傳本字既有

詔令可遵則未委臣所纂修出於已見援引他經子史

有犯淵聖御名者亦許依本字書寫或當遷避有此疑

欽定四庫全書

百官箴

六

惑臣聞古者不以名為諱堯典稱繢在下曰虞舜則堯

舜者固二帝之名而堯典乃虞氏史官所作直載其若

之名而不避也周人以謚易名於是又有諱禮然臨文不

諱嫌名不諱二名不偏諱載在禮律其義明白孔子作

春秋凡書周魯事雖婉其文至於名諱並依本字若襄

王名鄭而書衛侯鄭匡王名班而書曹伯班簡王名夷

而書晉侯夷恭王名勾而書晉士勾莊公名同而書同

盟於幽僖公名申而書戊申朔襄公名午而書陳侯午

定公名宋而書宋仲幾是也按春秋書成當恭王之朝哀公之世句乃恭王之名也夷則三世之穆也宋則哀公之考也午則皇考之廟諱也而筆削之際並無固避春秋為尊君父而作仲尼豈不恭也書法如此義不可知自漢以來此義不行臣子習為詔誥而不知恭順之實則有易人之名以微為通者易人之姓以莊為嚴者易甲乙之紀以為景者易郡縣之號以遷淳為清溪者又甚則有父名晉肅而子不敢應進士舉者忌諱既

欽定四庫全書

百官箴

卷二

五

繁名實愈亂本朝沿襲漢唐故事未暇盡革恭惟陛下天縱聰明既尊春秋之書以新聖德宜用春秋之法以斷政事凡所施設動以春秋從事即有撥亂反正之功臣所纂修繕寫進本援以他經子史之類欲乞應犯聖朝廟諱不可遽避者依太常博士王哲所進春秋解例並依監本空缺點畫於淵聖御名亦不改易本字覆以黃紙庶幾名實上遵春秋之法亦以消臣子詔誥之端向孟軻氏欽王之義明恭順之實取進止十一月二十

七日三省同奉聖旨依臣月卿曰安國之言善矣然臣之於君子之於父天也見廟諱家諱而有不忍之心讀之將及焉而若有礙于予口者此人心之天也仁也聖人裁之以義立為詩書不謫臨文不謫廟中不謫之禮人得以準則焉臣嘗以唐韓柳氏之文觀之韓愈氏為文至廟諱未嘗易以他字柳宗元氏則易之故易世以代易民以人易治以理自常情觀之韓若木強柳若恭順者豈知恭順之實顧有在哉萬世之下韓為君子柳為小人人徒見諸效驗暴白之後而不察幾微積累之先言心聲也臣固有以燭之矣是以臣平日為文苟遇廟諱未嘗易以他字惟空缺點畫讀以他字例安國也人亦有言父母之名耳可得聞口不可得道臣亦云手可得書口不可得道也今於廟諱臣之手可得書陛下之耳可得聞而陛下與臣等皆不忍道也況臣所進百官箴陛下萬有一焉幸而使人日誦之而不離於側尤當便於吟諷不宜臨誦之際然後遽思他字而改之也故

臣於廟諱之字皆注一字於下以代之俾誦者不至臨

時之迫遽也不違不諱之禮不失不忍之心雖不敢謂仁之至義之盡蓋亦庶幾云

欽定四庫全書

百官箴卷三

宋 許月卿 撰

左丞相箴

明明天子孰不欲治孰肯願亂亂日何頻治日何罕能去彼儉能正厥事非心未格焉得人治甚矣非心如雞草然其本猶在且復蔓焉三代以還治不三代雖有賢君非心猶在非心之烈天地易位萬物不育吁其可畏勿謂我聖而無非心虞舜之聖危微是箴人心愈危道

欽定四庫全書

百官箴

一

心愈微危微之毒民將受之無稽是聽弗詢是庸心危僅爾四海困窮精以察之草無遺種一以守之始終終心純乎天永無異萌見於日用允執厥中禹逢聖帝可奮其忠無若丹朱慢遊傲虐舜豈有是贅言奚益勑天之命至誠無息茲所以聖匪徒容納臣愛一語敬修可願可願伊何可欲謂善此即道心勿求諸遠隱之吾心是而無非此即道心力以行之隱之吾心非而無是此即非心拔去勿遲靡存才遺從事於斯非敬曷以伊

尹所耻君不堯舜常試察尹所以事君德無常師惟在
主善善無常主克一其原終始惟一乃時日新斯其最
要陛下留神成湯之聖仲虺進規德苟日新萬邦惟懷
志苟自滿九族乃離懇昭大德大學明明用堯厥師大
學新民二者欲止止於至善盍以自得得師為先人莫
已若殷鑒不遠自用則小好問則裕惟先格王尹虺不
殊謂君不能是賊吾君萬方有罪在乎一人君師之責
當察非心天下未治君心未純他人莫知陛下留神有
欽定四庫全書

百官箴

卷三

三

堯舜資何苦不為萬世在後光明俊偉宰臣司化敢告
軌踐

右丞相箴

伊尹為右仲虺為左左之左之右之右之之無不可並
建宰臣以穆天緯應變守文和羹有賴右相林甫妬賢
嫉能右相觴賓竟日無人權居私室國何賴焉彼相彌
遠久據於右不遷昭文杜來者所繇用心如此何以扶
宇宙是以聖王知偏聽生姦獨任成亂故用賢無留難

三辰不軌擢士為相用捨之排歸之於上臣無有作福
作威玉食民無二王以進退為邪正自作朋黨快彼私
忿禍終於家邦何以燭之心正意誠知至物格忠俊公
明以是擇相隨魅退聽傍招俊乂孰不欽承宰臣司化
敢告侍官

樞密箴

肅肅樞庭時維本兵禹征有苗周公東征將相合一而
文武並用出為軍旅歸而為農兵民不分文武何有乎
欽定四庫全書

百官箴

三

相輕秦置太尉漢大司馬相尊等耳權則或過樞機周
密乃任恭顯傳至後世奄宦是與梁唐慾之始用士人
汾襲之弊久而未泯賜食厨中謝衣階下猶以招瑞而
待西府府列東西事分文武相天子者遂不知戎臣弼
曰不可乃革其故二府既通脈絡貫融自靖自獻和而
不同一范一韓召登宥密上前力爭安事形迹書雖中
書必陳其實同列不悅上悅其直彼相京檜喜同惡異
匪國是謀惟身是計同而不和口然心議廟堂如此治

象可知故有天下君母喜其同將危我邦母樂其顯將

瘠吾民毋取其易制將敗乃公事樞臣司化敢告綴衣參知政事箴

惟天惠民惟民有主有君而為之貳維相維輔為上為德為下為民同寅協恭不宜有怒聚精會神彼相惟摶市權固寵蔽欺聰明各議執政摶必衡知竟抑其人謹署紙尾諾諾而已略周是非輒斥以死伴拜之號居然可知使摶無死禍豈止斯天祚我宋薄言誅之善伺上

欽定四庫全書

百官箴

四

意善養君欲君喜林甫任其勞不知林甫擅其獨能練文法能持格令君喜林甫之無私不知林甫之專政天子用人何不可者君喜林甫之尊君不知林甫之賣主無逸一圖易以山水明皇懽然天下瘠矣妬賢嫉能明皇知之知之是矣相之奚為恭惟仁祖選於衆而舉仲淹開天章閣俾得盡書言既盡止我其從之乃命相臣公心協力而行之於斯萬年仁祖如天上天無朕仁祖孔明儀刑仁祖萬世稱聖輔臣司化敢告寺人

經筵箴

任賢去邪人主所同以忠為安以佞為忠似是而非事有萬變物有未格將何以辨物格知至意誠心正權度無爽鑑空衡平是以帝王靡不務學堯舜禹湯備載篇籍至於武丁為商高宗中興之盛比隆成湯遜志時敏學千古訓終始典學監於成憲三代而下治不如前何以不如學失其傳記問是急詞藻是事以學與政判而為二經幄設官但為觀美及謂學問無補於治我宋受欽定四庫全書

百官箴

五

命奎會五星文明之祥有開必先太祖厯試聚書數千欲增智慮而廣聞見雖在軍中手不釋卷聞有奇書千金肯捐及其即位好學不變視朝之暇未嘗畫寢聲色是遠經史是親誰不讀經帝感措刑誰不讀史帝念民寃以學為政更掩前聞家法如此列聖罔愆進進不已三代何遠臣頤之言原本是圖親宦官宮妾之時少接賢士大夫之時多則氣質可以涵養德性可以薰陶臣祖禹言人君之心惟在所養邪正當謹君子養之以善

則智小人養之以惡即愚然小人易親賢人易疎故寡不勝衆正不勝邪二臣之言當時忽諸當時忽諸後世思子元祐為紹聖宣無其故二臣之言有待聖主侍臣司經敢告前軀

翰苑箴

巍巍太宗聖訓昭垂詞臣清美朕恨不得為之宗重若

斯疇敢不力賓之友之諫行言得其在於唐有若陸贊

至今誦之宣公奏議德宗親倚綴饌解衣呼以輩行而

欽定四庫全書

百官箴

卷三

欽定四庫全書

百官箴

七

責汝言子聽子不汝隔臣敞磊落遇事建明執政忌之帝保其成進賢出邪闢諫諍路愛朕之深如禹偁元之者不為苟止不為妄隨多所補益宿也朕知恭惟阜陵即位之元詔俾內宿翰苑經筵復祖宗舊啓沃一人從容輔導不知之潤顧問殷勤或至夜分可謂忠言孝宗

明明侍臣司翰敢告披令

諫臣箴

人主一心攻者甚衆況乎氣稟易偏難中是以聖人凡

欽定四庫全書

百官箴

七

不名之正主功多罪已言切悍卒武夫無不感悅既安且寧追仇盡言延齡是聽忠州杜門故君人同情欲治惡亂治少亂多盍亦自反豈非用賢如轉石去佞如拔山樂人順已而惡其犯顏國事日非諾諾罔間蠶禁所用惟尚文辭麻不可草斬腕者誰是以憲宗嘉此崔羣數進諫言人當自陳肆我祖宗視猶宰臣肅我袍帶依此詔本臣殊奏稿帝自類之臣修帖子悅而喜之爰有明詔俾爾論思母專文翰而輒言議母樂循默謂無言

乎唐有文皇始初清明諫官入閣政事與聞勉強受諫

貞觀策勅五伯假之此心不誠何待十漸始之不終停昏仆碑自濟昏庸丕丕祖宗家法天容豈惟容之改過大勇從官直前庶官轉對脫有要切作時慷慨毋懼逆鱗朕方招徠事無長短並許敷奏思賢若渴從諫如流日往月來養成聖性夙夜循省內愧於心不恃居尊使不敢言豈惜禹拜庶幾進忠朕之汲黯天語載揚魯直之褒塗垂星執政偕所畏忌帝不墮其計中慶厯有欽定四庫全書

百官箴

八

後省箴

天不與三辰爭明地不與五嶽爭峻有五嶽所以成地有三辰所以成天不有臣直安知君聖未聞君聖與臣爭能巍巍祖宗虛己以聽思屈羣策爰列三省爰列三省中書造命門下審覆尚書奉行相制相維百度以貞門下有給事中書有舍人命令未當塗居不斬如虞納言如周內史出納朕命入坊詔治宰相惡其害權去以美遷故事有門時往諮詢宰相塞之以示自尊唐宗有欽定四庫全書

百官箴

九

詔俾無日不朝請隨事進諫恨晚用卿四諫風采萬世之慶無日無疏無一放過朕之闕失民之疾苦欲防壅蔽大開言路常論拒諫皆因有心苟無心矣諫則必從輕用喜怒悔過責躬祖宗如此安得不昌彼相安石幼學而壯不行入閣故事遽叛平生之言私耳忘公由是又益兩參政何異林甫教不以鳴鳴則黜之由是諫諍路荒君人鑒此毋自塞其聰明張萬福武夫也而其言至當朝廷有直臣天下必太平侍臣司規敢告虎賁可勝道曰尚先行曰中入報曰有御筆曰有內降豈敢

愛之畏我祖宗欲如澤不可長俾如穴不可開藝祖神聖乘快指揮誤繞一事愧恨盈懷日月萬世人皆仰之侍臣司駁敢告興臺

御史箴

願願九重天下所君無他職事惟辨小人與夫君子和而不同周而不比君子則然小人反是臣下比同更相蔽蒙利害不聞誰受其凶是以祖宗聽耳明目耳目伊何臺諫言責惟諫與臺不私往來諫官論列臺臣或不

欽定四庫全書

百官箴

卷三

與知臺臣有謂不可諫官抑或是之各得自彈不白長

官豈有比同如今之患想當是時無有呈身而有忘身無有識面而有鉄面匪妻子是謀惟國之為念論燈籠錦上存全之言中閑事上召還之衣可引怒可解忠鯁不可不從亂亡不可不戒臣琦伊周而不押班臣修孟韓而右濮園言辨行堅無如安石抗論箋天不遺餘力臨難無仗節死義皆平居無犯顏敢諫姦臣之始以臺諫折之而易及其既成以干戈取之而難臣軾之論千

載水鑿防人之口甚於防河豈不速止壅為洪波大決所汎傷人必多不如聽言流通以和厲王監謗有彘之禍臺諫親除宰執不敢與乃儲私人於所遷之路明陛不聽宦豎借彼陽擠陰助以是得臺諫寧不承風指金彼豺狼專事狐狸豈無忠臣効崔日知覆如所構譖成彼姦謀傾臺盡逐號曰絕市雖除美官實則遂之亦於而國以便其私故君人者毋樂一時適意而忘萬年遺臭侍臣司糾敢告左驛

欽定四庫全書

百官箴

卷三

史臣箴

煌煌柱史正色寒芒史臣象之敢有不忠趙府崔杼不畏鉞鋟此簡書則莫我敢曷嗣書而死再嗣書之南史有聞執簡趨之諸侯有是我曷無之喜諛惡直我自疎之秉筆左右宰相是隨直書無諂貞觀有輝不聞帝王親自觀史設令遂良不記天下亦皆記之永微以來乃弗宣堂對仗故事雖復具文仗下之後爾謀爾議皆不與聞馮定有請宰臣不悅宰臣自謀而違君之恤文

宗孔文文皇是師右史左史咨質所宜挺挺魏墓有祖
風烈文宗嘉之曰卿忠切宰相奏事備錄以藏昭獻之
政尚有典刑取史以觀摹曰不可後必諱屈母為始禍
聖哉祖宗言路天開升陞紀錄臣錫陳之更不進本臣

修是謀立於座後事有弗知臣修是政史職不顏幸弗

二史鴻墨立螭讒惡頗僻則不敢肆昔也豈前先稟中

書臣存言之神宗感悟權臣用事言路榛塞居是官者

諉無言責拜命之初僅一造膝高宗懲之弊例以革彼

欽定四庫全書

百官箴

卷三

百官箴

三

攸所修渠曰實錄逼於權勢扈蒙可削毋用匪人以輕
厥職亂臣賊子革心寒骨寢彼邪謀化為良弼侍臣司
史敢告車僕

藏舉忠簡臣銓有言必疏四失當正孝祖是聽於斯萬
年取法乾淳強為善爾毋催不錄彼牆有茨自以為密
書之於經市朝之權畏人知之曷若自克九臯至深聲
聞于天史臣不書豈無他日見史臣是亦籃銘日厯
十稔疇肯曠職有五不可汗青無日漢郡國計先上太
史副上丞相今寧有此褒貶脫口漏言四駁驤修是稟
直書者希見讎貴族率多諱避聖訓具存去愛憎私察

欽定四庫全書

百官箴卷四

宋 許月卿 撰

告宮正

尚書戶部箴

心苟不清身曷以寧清中書務聖訓孔明侍臣司選敢

尚書吏部箴

卷四

宋 許月卿 撰

尚書戶部箴

于于求仕臣握其銓致君舉民誰無是心胥吏交賄公舞我文坐閑留哀是孤寒之以身照之以智科條無惜令式庭置使人卑見得與吏辨吏巧莫藏仕者咸便臣之職分敢有不勤處彼莫後沉於下僚藝祖之詔豈拘常調太宗讀史嘆無馬周不次用人史屢書之真

欽定四庫全書

百官箴
卷四

欽定四庫全書

百官箴
卷四

宗引見改官循資或予或奪睿斷神謀彥博所陳三類是分一經聖鑑物無遁形更有去留孰不勸激蓋有治人而無治法臣如通之衆則咎臣曰祖宗法不宜有愆其曰守法守於寒畯其於貴要法乃蕩然不觀建炎臣僚所言京黼用事部闈堂奪判一取字則莫我敢易部有佳闕密獻于堂寒遠之人其將何望高宗然之詔部遵守部遵守矣堂不自咎孝廟有訓中書務清奪此銓事焉用銓衡臣常推之天下猶身一人元首大臣腹心

欽定四庫全書

百官箴
卷四

欽定四庫全書

百官箴
卷四

美餘者倍克得諸太宗亦云外則侯臣戕我黎民恣其倍克內則權倖貨賂無極每念百姓寒耕熟耘儻非養兵兩稅亦捐真宗有詔謂法禁密籠取遺利民何以息賦增迭年以多為額人喜羨餘帝則禁黜仁宗聖訓聚斂之臣過於盜賊為朕結怨孰云有益高帝亦慮斂怨於國列聖仁民乃壽國脉儉固有仁有本有原臥榻墨漆青布葦簾娘娘節料錢以三千皇后千五長生七百聖君用度萬嗣法式布褐維條布幕青紳衣屢澣濯見

笑宮人宮中無費罷月進錢生民膏血天詔諱諱咸省浮費始自宮掖許行取會斟酌裁抑庶幾心服內外如一家法具存何必古昔天命靡常民情可見侍臣司版敢告執鞭

尚書禮部箴

棣棣威儀魯侯自喜晉侯悅之曰是知禮叔侯曰否此之謂儀儀之與禮渠可一之政在大夫而弗能取有子家羈而弗能舉公室四分不恤其所豈知禮者而若是

欽定四庫全書

百官箴

三

欽定四庫全書

百官箴

四

知復於元祐紹聖罷之一罷一復邪正昭如高宗中興鑒彼前車屢詔復焉應者晨星彼相之心即安石心孝宗英睿灼知其蔽淳熙詔語丁寧切至將朕悅意未孚而真賢臣能之莫肯出與不限三歲不拘人數恢闊如斯是亦孝祖科目難拘遺逸當舉一目之羅得雀則否無既維人顧俊尊帝業永有芑仁及數世涵養成就願留之意侍臣司典故告執綏

尚書兵部箴

乎虞之秩宗周之宗伯典朕三禮以和邦國克已復禮相為盛衰人心惟危道心惟微敬以直內此禮之本三綱五常由斯其准三閭順軌四炎鄉風禮之功用一念所克三年大比臣不敢辭公卿將相率是焉基藝祖聖訓勢家爭名巧取科給哀此寒生假手於人亦既擢第以此治民何有道義唐之諸科凡四十九今所存者進士而已詞科雖存乃不取士文字之官儲不以時賢良方正得人最多彼相安石惡其不阿此科之罷言路可

旦旦五材誰能去兵啓誓于甘乃召六卿天子六軍寓於六鄉六卿之號因鄉以名警則以戰居則以田軍將皆卿文武不分佳兵不祥無備必危漢武佳兵晉武無備過與不及二者胥失兵端一開始自馬邑兵連禍結不可收拾海內虛耗戶口減半輪臺匪悔岌岌乎漢晉武平吳自謂無虞山濤亦有言武備不宜去帝稱之曰天下名言而不能用悔亦徒然今日之兵數非不多一可當百視背如何虛籍不補教閱不精勇於傲上而怯

敵人藝祖神武聖訓具存晉漢衛士數千萬盈可用者
寡與無兵均朕按閱之去其冗弱擊刺閼射親教以略
悉為精銳一可當百川班殿直率相自訴藝祖赫然度
厥威怒朕之所與安得有例殺四十人此班遂廢豈有
太阿而可倒持軍騎卒惰尚馬用之當時勝兵二十萬
罪南征北伐未聞乏使所至輒克何以多為帝猶拳拳
欲去冗兵不出百年民力其殲味帝斯言復府兵制寫
兵於農無養兵費有事命將事已歸農兵既不惰將亦
無權國無驕將將亦令終侍臣司政敢告中涓

欽定四庫全書

百官箴

五

尚書刑部箴

陽居大夏陰積空虛任德不任刑此天地好生之心與

守位曰仁在積取含積此禮義久有天下積彼刑罰二
世秦七人主觀此效驗孔明或謂教化不如法令彼胡
不觀觀周與秦能一天下不嗜殺人五代深刻為我歐
民天祐太祖堯舜性仁讀書而嘆得堯舜心凶之罪
投竄而已憲綱之密哀此後世惻隱一念有意措刑上

帝監之萬世為君萬世為君是誰之力太祖之仁與天
無極陽九厄運旋即中興人心未忘太祖之仁宴紫雲
樓備念愚氓藩侯苛虐朕斷不容枉法殺人方鎮跋扈
置而不問焉用刑部人命至重當如是乎錄案以閒刑
部審諸是不仁者能壅吾澤太祖懲之民受其福豈肯
聽彼殺人如嬉動以軍法於民行之洙泗有言欲善民
善何以殺為盍亦自反反身而誠風行草偃不教而殺
是謂罔民教而不身民亦弗從教化既行習俗自美成
欽定四庫全書

百官箴

六

欽定四庫全書

百官箴

七

尚書工部箴

國有六職工與居一虞之共工周之司空城墉都邑社
稷宗廟棟宇宮室車服器械後世屯田泉州布水利山虞
川衡事無不隸漢文露臺惜此百金上思先帝下念生
人以示敦朴為天下先昭哉孝昭問民疾苦鹽鐵是議
輕徭薄賦孝宣綜核咸精其能械器工巧後世莫並楚

王好細腰宮中多餓死上之好惡可不謹之爰自比年澆浮已甚善覩國者可為寒心邊豆既廢乃用盤杼奇

伎奇器王制所誅用器不度不粥於市返朴還淳在上

而已卑宮惡服夏禹以昌象箸玉杯漸不可長充國屯

田賴有明主錢流地上恭儉富庶天下之本在於一人

勿作淫巧以蕩上心何以御世孟氏指南朝不信道工

不信度道揆間上法守廢下君子犯義小人犯刑國之

所存雖恃天幸上無禮下無學賊民興亂且作故曰責

欽定四庫全書

百官箴

七

難為恭陳善為敬何謂賊臣謂君不能城非不高池非
不深山溪之險兵革之堅臣之職分敢不盡心執藝以
諫愧無良箴侍臣司讎敢告雁驂

二府掾箴

穆穆祖宗公聽並觀一心兩耳目智慮有限懼有闕遺
偏而不舉衆建掾僚以毗二府二府得助委蛇委蛇虛

關不撓悠然我思于其大者為國家謀母急細務細務
是急其與幾何遠者大者或昧厥圖祖宗設官意其自

此聖君神謀其誰識之是以慨然易吏以士又於士中
易武以文俾識此意識者何罕省胥强悍敢侵厥官重

者責竄詔書諱諱命令稽壅吏媿不虔紀綱失序淳熙

戒旃時彼分廳請問白事多持兩端希合意旨請以公

禮聚見是俟其次可否肇自臣摯人之常情惡人異己

謀人國家不宜如是諸葛孔明千載稱賢發教群下毋

遠小嫌難相違覆曠闕損焉違覆得中猶棄敝蹻而得

珠玉我心則獲四子直言終始好合可以明我惡諛好

欽定四庫全書

百官箴

八

直諸有忠慮於國但勤攻吾之闕則事可成賊可滅功
可躋足而待請盡忠而無惑事有未至十反靡輒幼宰

殷勤君所甚悅開誠心布公道集思慮廣忠益俾孔明
罔專美願明詔詔宰執陪臣司佐敢告執戟

太常箴

人而不仁如禮樂何克已復禮仁斯在我我則既仁表
裏天則三綱以正五禮以飭教化興行風俗淳美和氣
洋溢乃作樂以宣之故樂聲淡而不悲和而不流聞者

感動心平氣柔樂出人心而防人心相為流通至治渢涵百獸率舞鳳凰來儀仁之功用於焉見之急於克己何以復禮一念不仁禮教舛矣登降揖遜徒為虛文不誠無物民亦弗從心失厥仁民失厥所冕聽古樂則惟恐卧代變新聲妖淫愁怨妖淫導欲愁怨增恨賊君棄父輕生敗倫今樂之禍滂不可禁不復古禮不變今樂欲以致治寥哉愈邈素與吾言政不及化變與吾言聲不及雅林與吾言文不及理何怪王通憂心如醉政不

欽定四庫全書

百官箴

九

及化天下無禮聲不及雅樂其哀矣文不及理天下無文何怪王通憂心如醉孔明無死禮樂其興玉帛鐘鼓禮云樂云臣請斷之先之以仁陛下大聖願益留神百世墜典有待陛下卿臣司紀敢告典路

宗正箴

欽定四庫全書

百官箴

十

大理箴

千載稱賢漢張廷尉仁哉文帝故能用之為政在人取人以身移風易俗黎民孔醇幾致刑措豈無所自攷釋之語惡刀筆吏曰亟疾苛察秦是以亡惻隱之實過失不聞舉措繫風化不可不謹帝善其言進進吾仁故其為廷尉不以天子喜怒易其平天下無寃民豈惟釋之賢能用釋之文帝之功張湯杜周彼胡能忍武帝其原其原帝心堯舜率天下以仁民偃如風桀紂率天下以

暴民應如響其所令反其所好而民不從未聞堯舜而喜惡來未聞桀紂而用臯陶向使桀紂令其臣以恤刑彼從其意不從其令夫子不云乎聽訟吾猶人必也使無訟盍亦反諸心物格知至意誠心正身修家齊國治天下平堯舜好仁天下景從尚焉用訟允也無刑一念之差上僅萌芽下以尋丈誅不勝誅欲齊其末邈勤寢遐卿臣司士敢告掃除

司農箴

欽定四庫全書

百官箴

十一

欽定四庫全書

百官箴

十一

古者官養民今也民養官以民養官猶之可言更肆推剥其何以堪為民父母寧不動心藏富於國民貧則亂藏富於民國賴民安我朝地廣不如漢兵強不如唐惟恃人心以永以昌列聖涵養視民如傷豈無遺利聽民與藏念彼繭絲曷如保障彼相安石乃不謀長口誦堯舜心焉孔桑自謂周禮取法周公自謂任怨富國強兵國何常富兵何常彊徒能斂怨歸於公上周公周禮恐不此同當時新法俾司農講行君子據正憑屏不用小

人阿意載承載庸天下囂然喪其樂生群愴流毒卒胎靖康原其用心謂天變不足畏祖宗不足做人言不足恤安得不亂亡人主之職在乎論相擇相之原正心以正朝廷恭惟神宗天錫智勇安石相誤聖訓孔明御臣司稷敢告騎郎

欽定四庫全書

百官箴卷五

宋 許月卿 撰

太府箴

致民聚貨肇自神農懋遷有無神禹之功洪範八政食

貨先之仲尼讚易理財正辭生財有道大學所崇中庸

足財曰來百工孟氏冠篇何必曰利財用不足為無政

事豈若孔桑巧取於民不恤其窮秩秩王政周禮具之

有王者起於焉取之九貢九賦九貢之貳掌其出入太

欽定四庫全書

百官箴
卷五

府之事頒貨受藏頒貨受用史及執事受財不同式法

受之非于有倫邦之賦用皆取具焉乃立司市物靡是

革阜貨行市成賈徵價以質以齊民莫容欺乃立泉府

與民推移市之不售與貨之滯買而售之各從其抵聽

民賒之三月旬日聽民貸之國服為息邦之財用皆取

具焉遵先王法曷其有愆仁心仁聞民不被澤職何之

由不遵王法市屢不征法而不屢商藏於市孰不欣然

鬪譏不征旅悅願行無夫里布民願為氓善學周禮孟

氏為得不善學之王莽安石徒善不足以為政徒法不能以自行以周公之心行周公之經粗精具舉先後不

爽卿臣司藏放告執兵

秘書監箴

諸將爭走金帛之府奮奮鄉侯所志獨不先收圖書是

藏是惜沛公具知天下險塞戶口多少形勢彊弱與民

疾苦圖書之力秦滅典籍乃自滅秦規愚黔首自愚厥

心國於天地必有與存故夫子不曰斯道而曰斯文欲

欽定四庫全書

百官箴
卷五

人人見道文者道之明昌為文王旦為文公豈以虛無

為道之宗後世視文直曰文具孰知綱常於此乎寓經

以載道萬化出焉史以紀事治亂畢見諸子百家豈無

片善歷象璿璣勲華所先敬天授時馮相保章無災是

懼側身修行三皇五帝厥書是掌四方之志達明四方

外史之職周官所崇左史倚相能讀典墳老聃柱史知

禮見稱仲尼問焉晚而喜易祖述舊章豈以胸臆作為

大經沛公溺冠孔光賣漢光武懲之崇儒養源作成氣

節有死無二曹操姦雄終不敢睨今居中國去人倫無君子志淺功急近利脫有緩急其將誰恃萬幾之暇願深長思監臣司文敢告衛士

國子監箴

唐之諸生侮老慢賢墮窳敗業崇飾惡言而肆鬪訟而傲長上而誹罵有司而聚為邪朋今日之敝無乃滋甚

挑達城闕獄訟干請以縱橫舌行貪婪心上下相蒙苟

且歲時一欲繩之即墮危機蒙者私已繩者亦未免而

欽定四庫全書

百官箴

三

欽定四庫全書

百官箴

四

擾邦國曰安曰擾疇肯逼迫化之有道悉忠悉孝議正然否無愧鄉校安有京檜立謗訟規鉗口結舌坐致阽危舉矯千餘救鮑司隸安有汪黃魏我忠義穢我陳歐不恤國事善乎臣敦頤之言曰俾人自易其惡自至其中故先覺覺後覺闇者求於明師道立則善人多善人多則朝廷正而天下治監臣司成敢告守閭

將作監箴

慄慄春秋萬世法程書新延廡譏時紂而舉羸大無麥

欽定四庫全書

百官箴

五

禾此何如時而鄙是築延廡是新故穀梁傳惟時惟度民勤于力宜省功築民勤於財宜輕賦稅民勤於食宜廢百事汰哉魯莊宮室臺榭是崇是飾不慮其費故春秋不書無麥於夏不書無禾於秋譏其不量入以為出故於冬焉書之古者三年耕必餘一年之食莊公在位二十八年矣而無九年之積不此之圖方興力役何異韓昭高門是作屈宜臼謂其不時不知恤民之急所謂不時非謂時日後世卜築時日是擇處祁既成諸侯叛又從而振德舜之命之亦曰在寬不寬而教祗見其難師氏之教德行為先保氏之教道藝次焉十有二教安

之雖擇時日何救於危春秋凡用民力得其時制者猶書以見勞民為重事而況輕用於所不當為者乎魯為長府閔子勸仍何必改作仲尼亟稱土階三尺茅茨不剪時豈紕與以昭其儉春秋書法杜漸防微季氏專政見於城費群儉媚之勞民妄興履霜堅冰公室不競故人君不可以不知春秋正心以正朝廷人臣不可以不知春秋朝廷正而百官正彼相安石首廢春秋小人茅茹君子林藪既相矣花石有綱護作大第賜梁師成

欽定四庫全書

百官箴
卷五

五

春秋之廢禍若是烈監臣司匠敢告夷隸

軍器監箴

淵淵大易萬里所家卦之以萃戎器是除戎器是除以

戒不虞做戒無虞是以泰和九五自強九四喜哉君臣

克艱能除能戒臣嘗觀師上順下險險不我順故用兵焉九二為將閫外之權今觀於萃上悅下順太平無事武備當謹九四近君朝夕規警器聚不用常若敵侵先

為不可勝以待敵之可勝制治未亂保邦未危大寒索

裘何嗟及矣貝胄朱綬朱英綠縢莫不待匱二矛重弓千乘猶然矧伊宣王既攻既好既同既阜車馬既修器械既備弓矢既調決捨既佽外攘夷狄內修政事兵不完利與空手無異甲不堅密袒裼相似弩不可遠有弩何用射不能中與亡矢同中不能入有鏃猶亡故曰器械不利以卒子敵卒不可用棄將如擲將不知兵是棄厥主君不擇將國乎敵子此義雖精精義更窮甲冑起戎干戈省躬詩不云乎無渝胥以亡夙興夜寐酒掃廷

欽定四庫全書

百官箴
卷五

六

內維民之章修爾車馬弓矢戎兵張皇六師無壞我高祖寡命綱舉目張體立用行大易淵淵陛下胄中監臣司戎敢告郎將

登聞院箴

蕩蕩帝堯置敢諫鼓下情上通焉有壅者豈若後世不敢言而敢怒堂上百里堂下千里君門萬里何以言之兩耳不聞如百里隔惟此言之萬里壅塞登進厥民殷所以昌謀及庶人周所以王視民猶子有道之長春師

百萬命將章邯邯遣長史請事咸陽留司馬門三日莫通漢淳于公郡國倉令有罪麗法少女上章帝悲其意遂除肉刑秦漢寬嚴觀此甚明漢是以永泰是以亡有憇於君如憇於帝有請於吏如謁於鬼下情不通不敗不已仁哉祖宗篤意軌函臣詠臣起是掌是判渠如曩時典以奄宦雖俾抱關事不與焉仁宗聖訓寬枉是悼不為理雪赤子無告忠定臣綱相我高宗謂舜之聖明目達聰休戚利害日欲上聞惟士若民願效厥忠孰為欽定四庫全書

百官箴

七

急務此院是先民到于今猶受其賜微管夷吾吾將左袒矣故有天下者母曰我貴不察憔悴母曰我明不樂諫正母曰容納說而不繹母曰招徠從而不改聞過則喜改過不吝院臣司微敢告園人

進奏院箴

濯濯藝祖談笑經綸收藩鎮權以保我後人奏邸宿弊於焉以革納言之屬妙揀名德昔在有唐府兵既壞五大在邊尾大不掉置邸京師大將主之使為中局織悉

必知祖宗懲之居重馭輕不謂近世弊復如唐不以大將而以險佞安置局京師名曰接應名曰接應實則刺聽貨賂公行變亂邪正困天下力僅以養兵乃饑其師以事蠅營士卒勤勞了無一飽飢則思亂等死寧保餉所驅催急於星火舟車貿易侵削邦課貨悖而入用以鑽刺熒惑聖聽以黑為白間諜不明多為所欺不用於敵用之京師選任之意寧當如是倚負幽陰以是得之今其布置蓋嘗得味卓卓陛下甚似藝祖掃空宿弊當在欽定四庫全書

百官箴

八

指顧院臣司職敢告謁者

官告院箴

絲綸王言廢置予奪當謹於微漸不可遏將軍告身僅易一醉以德詔爵焉得至是爛羊闕侯闕鷄衛郎爵不足勸俾民卒痒俾門鼠穴賢路茅塞害歸國家利歸私戰功曰多上功閱歲爵命何遲賞不踰時所以勸善富者速得貧者坐閑敝壞如此何以使人院臣司綸敢告

尊前

糧料審計箴

悠悠幅員匪官曷以有備無患兵不可廢臣職廩稍臣職會計復有外司與四總階小吏俸薄胡以責廉大吏豐家繼富徒然毀家紓難子文何人園葵可拔紅女可捐哀多益寡謙無悔吝增小吏祿廩還可興國家之費莫大養兵楮幣折閱斯其病源日造甚夥益為兵費百司祿賜纔十之二物多則賤物少則貴既多而賤折閱欽定四庫全書

百官成
卷五

九

宜爾將欲不多如兵費何盡力收之出愈無涯軍士得楮數不減舊厥直不登鮮可以飽愁苦無聊未知淑後救楮獻計何翅萬端末流是急本原味焉臣有愚策兵費可省不激事變不撓物情救楮之策無出此者信而後諫未敢驟語院臣司祿敢告御戒

榷貨務都茶場箴

恤恤祖宗視民如傷以鹽殺人五季是懲寬以立法不盡民利儉故能仁豈無所自洋洋聖訓茶鹽民用設法

禁之致犯者衆經費尚廣未能弛之安可數更俾民食貴摘山煮海權以佐邦財賦有餘當與民共聖訓洋洋安敢有違謂雖唐虞亦不弛此謂欲抑末于以重農末未嘗抑農孔之卽農食貴鹽鹽貴於藥增價於民倍收其息以是罔上茲為民賊盍思祖宗寧留遺利曰地阜財亦已至矣過求增羨不肯有司有司何知但計推賞不恤吾民民病國從六百九萬可以中興今為萬者二千四百又數變法民病倒極民病罔極賞將何為臣為

欽定四庫全書

百官成
卷五

十

有司不敢效尤祖宗全盛茶四百萬版圖半蹙數猶不減紹聖鹽息三十萬餘今二十萬民何以家潤州鈔引許至餘杭淳熙議論懼乏軍興建業榷務儀真是移利榷得矣如乏興何制閩浮鹽諸司販粥恬不之間惟商是蹙惟商是蹙民實病之民病國從臣言不欺輶臣司

榷敢告擁篲

雜買務雜賣場箴

欽欽武王召公猶戒不貴異物而賤用物百物騰躍孰

如今日惟楮獨賤稱提無策齊高有言為治十歲當使黃金與土同價衣有玉導曰長病原即命碎之後世稱賢陛下大聖豈愧齊三十年間願治寢勞上身恭儉良無不至敬天愛民遠過前代菽粟如水躋民仁壽奚獨未能有任其咎倖門易啓貨賂公行陛下不知百姓受病漢文惜露臺鄧通鑄銅山恭儉之中類欠剛斷通之饑死致之者帝將以愛之適以害之仲尼之言人主法程張也懲焉得剛文帝不剛病原在懲帝能除懲如

欽定四庫全書

百官箴

十一

欽定四庫全書

百官箴

三

彼碎玉景滅跡絕過也日月更也人仰萬古昭徹懲遷有無烝民乃粒含哺鼓腹可使唐虞轉臣司市敢告督御

文思院箴

巍巍后稷時文思索允臻其極慮文減質殷輶周冕仲尼尚之鄭聲佞人遠而放之丹桓底宮檼刻桓宮桷春秋特書以懲大惡天縱藝祖異世同符乘輿冠冕珠玉盡去七寶溺器彼所以亡麻履布裳我所以興晉王侍

百官箴卷五

宴禁中從容何大草草陛下服用汝獨不記甲馬營中皇后公主同詞勸帝黃金飾輿未為過麗帝嗟答之豈力不備為民守財不敢妄費古稱以一人治天下不以天下奉一人苟自奉養民何仰焉藝祖如此列聖是遵國祚悠長夫豈無因公量之頌薄海所同飽其溪壑不董之共欲責其廉自上而下事力既寬廉恥成化如是不悛乃繩以法道有原流事有本末春秋端本自貴者始轉臣司巧敢告為右

欽定四庫全書

百官箴卷六

宋 許月卿 撰

左藏庫箴

綽祖宗經費何簡以歲計之百五十萬月以萬計三十有六元豐費用奚患不足百二十萬僅支一月宣和崇侈其何以國中興用兵月八十萬淳熙無事乃增其半非泛所支久不與焉版圖半蹙國胡能堪孝宗恭儉費擬宣和循習之敝痛革乃可於是臣湜悉陳其故一

欽定四庫全書

百官箴

二

老氏宮衛卒百數家廟護兵多於太廟正額將校半增額外閭門醫職宦寺之費外廷百職不能半之註定經費置會計錄祀戎之外一切裁削以其所減除民稅租事不克竟遺憾何如內帑之儲始自太祖取諸借國以備饑旅非若近世內藏橐名皆賦於民嗚腹割身真宗發明二聖本意削平諸國如邱親祠為費不貲咸出於是計臣所假六千萬矣三歲不償即蠲除之實為計司備經費耳免彼倉卒加賦赤子彼相安石檜若允文匪

國是恤計利目前版曹橐名取可必者歸之內帑號羨餘數乃以虛名積累掛欠歸之版曹版曹日困版曹日困迫趣州縣祖宗良法惟以破分遂壞此法十分必登以為未足造比較法監司守貳定為賞罰孟夏之前較其巧拙減展年勞以誘以督州縣巧取民不聊生號不加賦百計取羸粒米狼戾民猶無餘天灾流行其何以家端平彼相耗此內帑救楮不能內帑遂空歲入之數今二十年東浙一路歲十餘萬非舊上供曹泳所創如欽定四庫全書

百官箴

三

此之類歲歲固存旱乾水溢何世無之限以對補蠲租竟遲後時失實膏澤不被聖矣高宗約以奉己內帑一金亦不妄費本民間錢為民間用水旱賜免悉發內帑孝宗恭儉克遵父風陛下不吝已見端平善推所為以惠困窮轉臣司帑敢告衛郎

前宰輔侍從箴

寵利居成當退厥身豈曰身退弗愛吾君畝畝不忘臣子攸同矧受厚恩敢忘效忠苟有愚慮空意以陳陛下

察之毋憇僥言嘗攷周禮二卿一公是以鄉老宜在朝廷鄉之大夫一鄉一卿居則師其民出則帥其兵公卿

家居不惟逸豫猶幸其鄉為民範模故此公卿統於司徒比其出將司馬是御謂此公卿實在朝列司徒司馬

曷其總攝如置此事於左右師居左右塾訓民以教公卿退老則請為之出長入治仕不鄉離及其退也鄉猶

視儀教化安得不行習俗安得不美王迹既熄王澤遂

竭影響不存日以流散惟我祖宗眷遇舊臣或陪郊祀

欽定四庫全書

百官箴

竭影響不存日以流散惟我祖宗眷遇舊臣或陪郊祀

欽定四庫全書

百官箴

或奉朝請或侍經筵或掌史事或傳東宮或賜北第采

薪之憂車駕臨視視臣猶體報禮斯重教事久湮何時

而講三代之治終不復乎追還三代有俟聖主殷先哲

王畏天畏民經德秉哲畏相乃成御事厥恭責難惟恭

不敢暇逸矧敢崇飲御事不暇固其職分百姓里居亦

罔敢酒不惟不敢亦不暇焉居間無事不暇何為助王

德顯厥辟是祇殷後嗣王燕喪威儀酒誥之書無逸同

意無若殷王酗于酒德諫行澤下主聖臣直舊臣司愛

敢告道僕

京兆尹箴

翼翼天邑為極四國為極伊何天下取則以贿媚上以法繩下教化弗恩風俗弗顧問之則曰於吾奚與俳姦

擊強吾所職者何惟生民不見太平身教者從言教者訟臣之職分散有不恭人之為人有體無用有用無體

均非適中惟吾仲尼德盛仁熟道之斯行立之斯立綏

來動和如之何其可及宰是中都比及一年四方則之

欽定四庫全書

百官箴

風行草偃君相非謀墮敵計中受彼女樂孔子遂行如

其不然變魯至道王室是尊烝黎是壽吾其東周蓋所

優為天未欲治止或尼之昔在成湯聲色不適貨利不殖天君無薄施之聽斷何事不可為故改過不吝用人

惟已巍巍功業此心之推當時商邑用協厥邑其在四

方丕式見德豈如商受用暴用逆一興一亡宜鑒于殷

恭惟藝祖洞開諸門端直軒豁謂如我心少有邪曲人

所共覩豈容側媚翳我太虛尹臣司京敢告微者

畿漕箴

芒芒畿部實惟兩路我輩我任我牛我車東南民力自昔云竭王業偏安矧於今日譬如百疾僅存胃氣旦伐之不斃不已於乎哀哉悠悠蒼天曷其有已哀哉憚人念民力竭良相曰旦惟恐不竭彼檜諭意民力重困藁景餓死詣

暗增民稅誰實增之彼檜諭意民力重困藁景餓死詣關調官例邀珍賄否則報聞或加以罪贓汙不法檜卵翼之並告無辜上帝殛之閹寺何為能去畿漕青天白

欽定四庫全書

百官箴

五

日孤舞鶻嘆故君入者毋云無虞而相阿諛毋云無患而聽鑒宦擢宰執以相順必賊吾民寄耳目於嬖近必紊吾政至道有詔民間利病得以周之惟乃轉運更互赴闕延見詢問矧臣不才密邇清禁事君常道有犯隱計臣司輓敢告護軍

留守箴

烈烈漢高自稱漢使晨馳入壁諸將未起即其卧內奪之印符易置諸將笑談指呼亦有光武親率六師往來

督戰不憚馳驅一以創業一以中興彼懷與安古云敗

名公子安齊焉能伯晉中原寥塞渠容安枕惟我太祖及我高宗視漢高光凜然同風恭惟陛下聖不世出宿

寐二祖道德風烈端平甲午先甲三日淳祐甲辰是為後甲始夢藝祖繼夢高廟規恢是勉臣托撫勞二祖在天眷注殊常書不云乎無怠無荒四夷來王玉麟之符臣實叨守厲兵秣馬以待巡狩功無浪成根本閩先愛護命脉保惜元元孝悌忠信可撻秦楚臣之職分裁究

欽定四庫全書

百官箴

六

載圖何物狂生獻計遷都遷都重事而胡可遽臣之所陳往來督戰不費不勞如王通言能無怠荒職在武林猶在建康何必遷都始可折衝臣普退朝敢不衣冠大雪深夜駕猶幸焉帝立風雪普惶懼迎已納普室共坐普堂地爐熾炭普妻行酒普從容問天寒夜久敢問陛下何以出遊吾睡不着見卿有以一榻之外皆他人有當時掖庭不滿三百常因霖雨又出數十在位十七年未聞一有位號之人中官黃門止數十員都知以下襄

巾褐衫聲色不適貨利不殖清明在躬節用民給規恢之本其在此乎守臣司鑰敢告禦侮

都督同都督督視箴

斤斤陛下臨御海宇三十年間三開都府了翁何罪萬

之何功一進一退左右弗公難進易退君子之節苟

蠅營小人容悅亦有臣葵能世厥忠置之密宥自有折衝清之忌忮規退但歸為謀甚巧俾葵督視葵喪名譽國斲元氣清之為謀一網去之成人之惡用心若斯葵

欽定四庫全書

百官箴

七

制置安撫經畧箴

庫得錢陛下賣官錢入私門武帝大笑喜有直臣人主之職擇相為先擇相之原誠意正心督臣司武敢告陛下桓

矯矯唐宗成此府兵寓兵於農居重馭輕天下之府六百三十四而關內二百六十一五大五細居然可識府兵一變變為彊騎彊騎一變市人宿衛天寶之亂不能受甲後祀驕弱隳我良法方鎮尾大遂以亡唐竭天下

欽定四庫全書

百官箴

八

欲控免則類辭難欲費科降覆轍可鑒葵也懲義自詭其能一泉一粟不費朝廷財非天雨亦非鬼輸任桑宏羊百巧以取賣闕括底人有公論赤子何辜爾天不閑為人父者自推其子割身啖腹身其餘幾戕陛下民命脉斷喪陛下聞之寧不痛傷清之一念禍烈如是宅之括田清之啓之其陷宅之亦若陷葵宰相燮理萬化之原未聞宰相公然賣官昔在晉武充已為政身平吳會混一萬邦當時劉毅比之桓威靈其言曰桓靈賣官官

力子以養兵故我藝祖盡召諸鎮各賜歸第俾留于京禮樂征伐自天子出尺地寸兵皆運掌握內兵十萬外亦如之合天下兵乃同京師內外相制高枕無危悍卒專內臨以宦者藝祖懲之匪儒不與儒臣建聞服習義理知尊朝廷知愛赤子赤子我親敵國仰之襁負而至何以戰為教化興行風俗醇厚是為金湯四夷我守異時循習私役戰卒朝廷養兵恐以私役異時虛籍多利其入莫肯招填重費餉給間有好名別創新軍何如體

國虛額是填以不教戰是謂棄民養使溫飽毋剝毋剋
教使習熟一可當百敵之情偽我必周知我之操縱敵
不得窺李泌常有言府兵未易復戍卒十七萬人食粟
二百萬斛就使有泉無粟入糴能用臣言戍卒不減百
姓不擾糧餉自寬粟價日賤可復府兵其說無它惟在
屯田此其大略潤澤在臣臣之職分敢不勉旃臣有一
事欲獻明君藝祖將將于奪抑揚全斌平蜀甫纔六日
徒以殺降奪其節鉞臣彬廉謹超拜二使及下江南使

欽定四庫全書

百官箴

九

用許之比其凱旋慮其爵盈爵盈忠衰僅止賜錢駕御
英雄何事不成無功而賞有罪不罰官職太驟驕不奉
法方鎮之患恐如唐末豈無廉謹以功自奮非錢不行
乃遭排擠安樂棄予緩急何恃苗劉之禍不平攸致帥
臣司屏敢告宿衛

守臣箴

肫肫盛漢三代未遠簡易疎闊代虐以寬孝文久任官
長子孫以官為氏上下相受莫有苟且久道化成孝武

奢侈民用彫敝姦宄不禁罕能化治孝昭孔昭問民疾
苦廼議鹽鐵廻罪榷酤孝宣側微爰知稼穡刺史守相
親見者察民安田里無恨歎息與我共此良二千石吏
民之本實在太守數數變易民將慢侮知其將久不可
欺罔服習教化以從其上故二千石有治理效輒以璽
書是勉是勞增秩賜金或至關侯公卿有缺選諸所表
漢世良吏於斯為盛孝宣之治號稱中興然而雜伯過
於厲精僞增戶口多為虛名光武知民亦猶孝宣解莽
欽定四庫全書

百官箴

十一

之密還漢之輕宮居無私愛左右無偏恩廢弋獵事捐
上林官勤約之風行于列郡廣詢民瘼內外匪懈百姓
寬恩邊俗變化臨邦邑者競能其官然而刻深未盡美
焉諭言單辭遽易守長耳目隱發自以為明引杖撞郎
朝廷竦驚長者之化終愧孝文兩漢盛時後嗣鮮及公
卿以下轉相促急政事數更守相數易居官去官或止
數月送故迎新交錯道路苟容求全懷危內顧治不如
前夫豈無故漢猶有科孝弟力田爰及三老導民為善

與令丞尉以事相教教化不明臣心是悼羨餘相尚趣辨相高民惟邦本念慮不到漢猶心民而况三代陛下復之力豈不逮守臣司民敢告官臺

發運轉運箴

古者天子中千里而為都四方之漕運者不過五百里公侯中百里而為都四境之漕運者五十里而止春秋戰國惟戰是急粟行三百里則國無一年之積行四百里則國無二年之畜行五百里則衆有憂色然皆行軍

欽定四庫全書

百官箴

土

欽定四庫全書

百官箴

三

之漕非論國都之漕國有定都民無費耗軍行則漕事已不勞秦三十鍾僅致一石國耗好兵身耗好色後來全盛李唐劉漢漢初歲漕止數十萬景帝而上無不足歎四百萬石吾猶不足官又自糴由四而六武帝所少慾忿窒欲唐初府兵且戰且耕豈若後世全仰大農二十萬粟裕我關中府兵漸壞費粟漸多百一十萬猶歎無餘米斗且十錢君庖無賓儲逐糧天子至於徙都米不時至軍士脫巾帝聞饑來酌酒相慶我朝都汴四平

總領財賦軍馬錢糧箴

恢恢王業偏安浙右形勝控扼上下數千里蜀漢荆襄江鄂而下達于兩淮列戍凡數百所而其大屯不過十

無險恃兵以存轉粟為先然而列聖深明本末寧留遺利不忍民奪寸尺糗糧非民焉出建隆受命悉從官給歲額既增穀貴民貧約立中制仁祖之仁東南災患輒減百萬或移他路以抜水旱皇祐一詔實祈永命轉運之職本以澄清豈事誅求剝民奉君有致增盈留為移用母得進羨訓戒孔巖士遜辭行臣旦教之今日朝廷權利至矣不遣孔桑而遣福星君相如此國脉以永寧

相讀奏盡漏十刻侍衛跛倚上無倦色國之大本豈無利害之計也顧使君臣各安其分則無事矣

欽定四庫全書

百官箴

三

奏牘悉如所啓遂有五年之蓄江舟不入淮淮舟不入汴隨窩而倉粟無耗散祖宗良法賊京始變駐蹕錢塘江浙為根科調百出民力既殫漕不任責趣辦州縣臣光有請高宗行焉今日之民由病和糴高價糴之仁祖成式割身唔腹不恤吾國計臣司餉敢告戎僕

數計其州賦共其軍食皆畀主將聽其出入每託之興

提典刑獄箴

逗撓無勇高宗患之斷自宸衷命中都官為外司農典

曰御前財曰總領章函直達以制厥命西蜀湖廣江淮

之賦四總歸輸京蓋寡加以科條不時之須國家養

兵費至是夫唐困天下適以養亂府兵之壞故有斯患

敝豈難革待乎得人且守祖宗法失祖宗意臣觀朝廷

不恤餉所餉所不恤州縣不恤黎庶豈無守令知

恤吾民水旱蠲租亦既得請廩軍定數不容虧折朝廷

不恤餉所餉所不恤州縣不恤黎庶豈無守令知

恤吾民水旱蠲租亦既得請廩軍定數不容虧折朝廷

未肯如數科撥閭屯逼迫甚於束濕餉所僅理不得不

然州縣往往自悔請蠲他日水旱隱而不言三稅之入

盡於軍儲州縣之間無復贏餘二稅之外別作名色巧

取於民以紓事力仁心仁聞恭惟陛下民不被澤豈無

其故除授當公竊弄當察帥閭當選將校當擇教事當

精虛籍當覈屯田當廣民兵當習軍費既省州縣不迫

固為陛下愛養邦本規恢之業本立道生饑臣司饋敢

告期門

亹亹真宗仁天光被選遣刑使追述先帝四方典獄慮

有私蔽一夫受寃即召災沴真宗此心上通于天祈天

永命欽恤一念列聖繼繼有加無已宗廟再安常必由

之俗吏舞文以殺為功屬吏阿意雷然苟同戕天生生

戾我祖宗亦有懦夫務為姑息不問是非罪人是出五

木笞箠見其可憐安知受害尤甚此焉長養虎狼赤子

是食姑息之愛自謂陰德以是為仁仁之賊也戾我祖

欽定四庫全書

百官箴卷六

宗其實一也發州獄事安石主之長惡惠姦民

閻二之

殺人十惡不許案問自首減死天理弗順反謂遵也壽

考康寧子孫蕃衍天報其仁議國法而懷私利有所為

則望其報安石心術此焉蓋舉如得其情哀矜勿喜未

聞不得遽可縱之臯陶明刑乃可無刑未聞摸稜獄訟

可清無赦之國其刑必平歲歲赦宥何益是閻肆赦之

法以待眚三年一赦義安在哉其所赦者眚乎災乎

民之數赦恣為罪辜仁於惡人弗仁於善以是為仁違

民箴

仁甚遠盍亦反本教化留情明刑弼教降典折刑仁澤流通民自不犯焉用姑息焉用苛慘唐虞三代豈不終復獄臣司臬敢告官伯

提舉常平義倉茶鹽箴

繫繫周禮喪荒合言荒如有喪匍匐救旗荒政十二以聚萬民財聚民散聖人忍焉凶荒則委乃立行人堯水湯旱國無捐瘠三十年通有九年積鄉里委積以恤艱阨門關委積以養老孤野鄙委積以待歸旅山荒伊何

欽定四庫全書

百官箴
卷六

五

委積縣都三代之民何其幸與時至春秋國無儲特秦糴于晉魯糴於齊饑而乞鄰無備甚矣管氏輕重李悝平糴糴不貴而民不散取有餘而補不足賈龜建議眾溢于邊又溢郡縣乃賜今年租稅之半明年下詔遂盡除之豈若後世每捐舊稅姦民賄胥以俟蠲除良民時輸不被恩子壽昌常平李悝故智賤時貴糴以為農利貴時賤糴以為濟民急行於孝宣罷於元帝不念蓄積漢亦以衰惟我祖宗以民為貴五年括粟不出者死祖宗

懲之為置常平廣惠廣濟三倉峙鼎鰥寡孤獨皆有所養旱乾水溢有補有常祖宗德澤浩浩洋洋安石不仁栗盡為錢青苗新法民不聊生廣惠之田悉以徵償三倉既壞民轉溝壑惟彼義倉太祖所罷仁宗亦罷懼為民擾取民之粟以寓於官歲一不登則給以還法上五升何翅什焉或撻或問可謂義乎給散所及市井游惰深山長谷力穡遠輸饑溺於死不及波餘法既太密更多畏法坐視饑莩而不肯發新陳不易紅腐莫食不發

欽定四庫全書

百官箴
卷六

七

於民而私侵削封鏞相受類有虛籍連坐必廣曷敢誰執今欲正之勿咎既往成與惟新宿弊掃蕩臣喜社倉可行萬邦然亦法耳徒法難行六事自責湯所以成百姓見憂宣王中興貞觀之初絹易斗米天下帖然謂上憐之人人自安靡有謗議貞觀之後絹易十石百姓咸怨謂君不恤慘悅忠利以不愚心盡出內帑行不忍政祈天永命陛下之仁庶臣司脈敢告侍禁

都大提點坑冶鑄錢箴

浩浩九府泉布流利景王大錢穆公所非今行於世惟
泉與楮楮有偽造泉無盜鑄有利則為無利則止下民
之情夫豈難知鉅銷為器利且十焉泄漏化外厥利伯
千民本畏法吏實卯翼坐收其利導民為賊朝廷所少
徃徃在信所少非財當審重輕能信賞罰何患財乏朝
令夕改楮遂折閱每一令出民料必更賞罰積虛號令
積輕人操造幣銅寶毀泄雖寘之罰未嘗如法姦民逆
料終必姑息習見幸免滋不可戢法雖有賞賞不時得
欽定四庫全書

百官箴

卷六

七

不以資請吏則我格信乎信乎當務之急祖宗全盛歲
收新錢百有五萬歸內帑焉以六十萬歲界左帑三歲
而郊百萬佐用是左帑歲得其百而內帑歲得其十版
曹經費安得不給百姓賦斂何慮橫溢今歲額十五萬
而封椿內藏各受其半左藏咸無焉宜版曹之日困版
曹豈因其家將困陛下之民治臣司鑄敢告後乘

都大提舉茶馬箴

鑿鑿六經肯以欺人秉心塞淵駛兆三千思無邪思馬

斯狃自後世觀其說若迂六經之言夫豈欺余大觀川
茶不以易馬巧市珠玉以共王府馬政之壞邪思之故
心不塞淵禡如此者在祖宗時馬有二等其曰戰馬西
邊所生曰羈縻馬產於西南守貳貪賞混為一焉羈縻
之馬非戰馬比綱數雖多徃徃道斃行綱卒校竊其粟
芻卒校肥矣馬死長途司存之吝價不時償匪國是念
惟較無賞馬之來也舊有定價臣私增直惟賞是徵臣
總觴之夷人愈驕邀索高價動肆詆訶貪賞之心是曰
欽定四庫全書

百官箴

卷六

八

邪思心不塞淵禡乃至是臣璘有請載馬以舟臣續臣
允升傅會自謀利夔兩路凡十餘州被吾三歲乃始得
休馬斃稱是臣璘非謀心不塞淵而思有邪傷人及馬
禡至是夫立國東南非若西北地不高寒雅不宜牧紹
興置監前事可覆川秦互市吾國攸恃塞淵厥心靡有
邪思牧臣司駿敢告仗衛

提舉市舶箴

炳炳祖訓舶利最博庶寬民力免於椎剝祖宗之意蓋

念民卽宣和以來悉歸進奉如唐舶使以奇器進治亂之幾於此乎分高宗憲馬歲二百萬所謂息錢盡歸戶版經費有裕民不憂擾愛民之仁有如此者版曹興利如桑弘羊令吏坐市販物取贏抑配天下散粥乳香黃谷李金遂陷桂陽命帥出師乃克討平利之所在害亦隨之言善理財尚鑒茲幾故君人者毋曰民懦急則生亂毋曰民愚窮則離予舶臣司縑敢告疏附

太子太孫師友僚屬箴

欽定四庫全書

百官箴

卷六

欽定四庫全書

百官箴

卷六

晳晳前星為童子天一有元良萬邦以貞昔在太任娠此文王不視惡色不聽淫聲不起惡言胎教孔詳大師緼瑟不正不習大宰倚井不正不食太子既生大師吹銅聲中某律罔敢不恭大宰持井滋味尚某然後卜名難知易諱使士負之見于南郊過闕則下過廟則趨自為赤子教固已行成王襁抱保以召公周公為傅太公為師孝仁禮義以道習之逐去邪人不使見惡端博孝悌以引以翼見皆正事聞皆正言左右前後罔匪正人錯刻深教景術數迄用少恩寬厚家法至是斬焉武帝

世子之教三王相沿樂以脩內禮以治身其成也懌恭敬溫文攷白虎通八歲小學十五大學成規有恪夫將君我而與我齒有君父在為臣為子長幼之序於焉以明知為臣子乃可為君知所事人乃能使人承師問道養老乞言吾學既成黎民化醇和鸞以御珮玉以行上有雙衡下有雙璜衡牙玭珠以納其間行以采齊趨以肆夏周還中規折還中矩車象天地以月以星玉佩左右中角中宮非辟之心何自而生三代由此有道之長

欽定四庫全書

百官箴

卷六

秦命趙高以傳胡亥教之以獄是斬是劓今日即位明日射人謂忠諫者為誹謗謂深計者為妖言教儲不善遂以亡秦並后匹適兩政耦國禍亂之原其可不塞適與少殊禮非虛加由心制禮以杜讒邪幽惑褒姒獻安驪姬適意一時遺臭萬世漢祖親見高殺扶蘇欲易太子不憲覆車人心惟危可不懼乎文帝元年有司有請豫建國本道貴前定東宮師傅不用賈生其所用者晁錯刻深教景術數迄用少恩寬厚家法至是斬焉武帝

之年纔二十九得子謂晚喜而命賦立博望苑從其所好多進異端焉得不敗善乎李納謂隋文曰此陛下之所過非太子之罪於赫祖宗建儲必蚤訓儲必擇後聖視效仁宗春秋僅四十四藐一博士而獻大計帝儲茲事
關可令婦人知中書行之無不當矣高宗妙齡甫二十
三有臣時雨布衣建論帝嗟唐宣議儲輒怒聖斷度越
漢唐所無二十有五定大議二十有九封建公贊讀命
震翊善命冲保傳如此成我孝宗太宗聖訓悉擇良善
欽定四庫全書
百官箴
至
於
臺
隸
亦
朕
自
選
姦
檢
巧
佞
必
斥
必
捐
事
或
未
當
必
也
力
言
毋
或
因
循
順
從
厥
愆
臣
坦
直
諫
帝
不
信
讒
準
於
是
時
空
臆
以
陳
勿
謀
婦
人
勿
謀
貶
瑞
勿
謀
近
臣
惟
憚
民
望
豈
如
管
仲
相
齊
桓
公
汲
汲
功
利
富
國
彊
兵
溺
於
所
愛
謂
不
害
霸
嗣
子
不
定
卒
基
大
禍
宮
臣
司
本
敢
告
先
馬

萬物之靈端乎不以爲大廢言者曰本所者未盡
望望而覺中財資財財公私財與財富則豈其真富也
其相對則如彼人也猶猶其財也則其財也則其財也
也或言無之則誰則其財也則其財也則其財也
也或言無之則誰則其財也則其財也則其財也
也或言無之則誰則其財也則其財也則其財也

曾子善之平則耕九百亩矣夫无事則勤則勇
耕者則無二十亩正矣夫有二十亩者豈其安貧也
三者與耕口五者其弟其弟其弟其弟其弟其弟
皆非令於人也中農者二十亩不啻矣也中農者二十
亩者則其弟其弟其弟其弟其弟其弟其弟其弟其弟
其弟其弟其弟其弟其弟其弟其弟其弟其弟其弟其弟